

等集眾德
三昧經

籍

保

中

中

百四十二
及二

43198



元祿九年丙子二月日重脩

皇圖鞏固 帝潛緞昌

佛日增輝 懋輪常轉

山城州天安寺法金剛院置

等集衆德三昧經卷中

西晉三藏法師

竺法護譯

及

今時世尊復告離垢威力士言族姓子菩薩
若聞如此行跡當勤奉行云何求聞稟聽尊
長常行恭敬棄捐憍慢言語柔和志性仁調
觀念於法猶如醫藥於師和上設世尊想自
察其身思撰法藥發醫王想於諸衆生為疾
病想若務求法不當愛身不貪命不憙壽不
慕於容被服常好經典以法為本一切所有
施而不悞志利法誼放忽財利將護法寶離
俗所珍以利法故滅除一切世間財賄以法
寶利蠲除凡俗所慕之珍欲除衆生塵勞愛

欲一切之瑕常當慕求正法之典欲度一切
衆生之類皆至滅度便當持護導以正法以
導護正法典者則能普護將養一切所行德
本以是之故假使有人欲求佛道若欲逮成
最正覺者欲得豎立於法柱者當學博聞譬
如族姓子須彌山王爲天大柱若天上柱則
爲巍巍多所覆蓋所在嚴飾於忉利天佛言
如是菩薩大士博覽廣聞則爲慧柱所可遊
居天上世間光光巍巍設族姓子若有菩薩
志願佛道我當成佛則當曉了權便博聞常
修精進一切衆生在於邪智則爲然設智慧
鎧明假使菩薩入博聞時精勤求慧則爲具

足衆生之智所作已辦今時諸天則爲其人
舉聲咨嗟歡喜善心生焉今此正士如是誼
像博聞之力逮十種力致最正覺諸根明達
如是利誼爲菩薩行執智慧刀割截一切塵
勞之欲若有菩薩如是像誼堪任明慧所說
經法則能蠲除衆生塵勞危厄若有菩薩如
是像誼便能說法滅除愛欲如是菩薩則能
歸趣往古世尊所可遊居如是誼像則能降
伏魔及官屬如是堪任以十二事法輪爲轉
如族姓子菩薩大士精勤博聞立於聖達應
時即普三千大千世界所有衆魔皆爲憂愁
悒感難可今此菩薩不從我教違吾本心皆

見棄捐不得自由所以者何族姓子從聞獲
智智於塵勞為最為尊其無塵勞魔不得便
以是之故當作斯觀假使菩薩閑入博聞分
別經典好樂於法從是已往所可教授降制
衆魔塵欲魔陰蓋魔起滅魔天魔官屬是為
四魔自然為伏又族姓子猶如往古諸菩薩
者所入博聞分別法誼好樂經典今當粗舉
略說其要乃云曩昔久遠世時無央數劫不
可稱限廣普無量不可思議彼時劫中有一
仙人名曰鬱怛處在林樹得五神通常行等
心慈悲喜護遊居幽藪心自念言吾行慈心
其身柔軟常悅安隱不可以慈滅除衆生自

在愛欲亦不可去瞋恚愚癡曠絕邈路塵勞
之欲不以此慈能致賢聖之正見也不可致
福安能逮成賢聖等觀復自念言常以二事
可緣致賢聖正見何謂二聽省他音因緣思
惟靜志在行尋即歡喜發大精進亦入于法
我於何所得聞是說則以法故欲求經典入
於郡國縣邑丘聚欲求經卷永不可聞時魔
天人往至其所言族姓子吾有佛名將護持
頌假族姓子自逼迫身日自暴炙自聞其耳
將護音聲然後乃書如是持頌尔乃今仁得
聞此頌四句之經於時族姓子鬱怛仙士心
自念言我從無數難限劫來棄捐此身樂於

牢獄過杖鞭撻或以利刀段段解身形體離
散肌肉斷絕以愛欲故致得繫縛遭是衆患
不可稱數不用此身不用危痛痒未曾以身
加益一切假使能已導利群生吾當以此無
堅固身求得經典我獲善利心懷悅豫當
從天人逮得聞典志未曾有興世尊心而懷
恭恪則取利刀自割其身日中自炙從耳聽
聞而謂天言願天演說佛名將護持頌吾恭
敬法故放捨身不惜壽命以是因緣等集所
聞時族姓子覩見上仙恭恪樂法巍巍如是
顏色黧黧憔悴功德難覩即沒不現於是上
仙心自念言將無試吾聞此偈乎爲之恭敬

奉順法故自捨其身不惜壽命得聞之耶吾
所合集恭敬經典所殖德本不失其功不見
欺惑假使我身至誠不虛質直無諂愍哀衆
生不貪身命捨其體壽聞此法者由是誠諦
於此現世他方佛國奉修法者斯等之人令
現面像使我見之得聞經法適立此願口復
說言應時下方過三十二諸佛國土有世界
名普等離垢彼佛号曰無垢稱王如來至真
等正覺今現在說法於時其佛即見上仙心
之所念又欲教化閻浮提人譬如勇士屈申
臂頃彼佛如是斯須之頃從已佛土忽然不
現即住止于上仙之前及與菩薩五百俱其

如來適現世間自然大光普有所照而取天
華億百千妓樂不鼓自鳴諸菩薩會于彼林
藪於時巖樹一切根株莖節枝葉華實皆出
法音上勝仙士適聞彼佛見其形像心無所
畏即時其體平復如故無有瘡疣於是族姓
子上仙見無垢稱王如來至真等正覺相好

巍巍猶須彌山威神光明踰於日月神妙聖
達爲天人尊諸根寂定猶若虛空不增不減
歡喜踊躍善心顯發即從座起更整衣服偏
袒右肩右膝著地叉手白佛是我世尊安住
大聖我歸命佛及法聖衆惟佛世尊爲我說
法若聞經者建立奉行蠲除衆生所貪受行

興于正見而說經典時族姓子彼無垢稱王
如來至真等正覺緣仙士故爲諸天子及諸
菩薩分別說此等集衆德三昧之定於衆會
中八千天子往古造行修治誼理即逮法忍
上勝仙士聞是三昧踊躍歡喜入于微妙尋
時逮得無盡辯才時彼如來說八章句又復
攝取何等爲八一切諸法皆爲本淨從想着
致原自然淨也諸法無漏一切諸漏皆爲盡
故也諸法無著皆度一切諸所著故也諸法
不虛亦無有明吾我及人平等一切諸法門
故也諸法何門普現一切諸法門故也諸法
無來亦無往也諸法懷來斷除一切諸所趣

故也諸法平等於三世無去來今故也而無
有二是爲上勝八章句說一切咸度馱諸所
有無有衆患佛告上勝仙士有八門句至無
有二何謂八諸法假号猗名故也諸法像色
猶從名興故也諸法合會依着字故也諸法
識自由恣故也諸法自然則以無明自然故
也諸法爲盡習行愚故也諸法無處立於門
者任無常故也諸法平等以一精進趣於門
故也是爲上勝八句門也本無有二而致於
二佛告上勝復有八精進句至無有盡而得
自在何謂八無者修精進事勸助祝願所修
經典爲現無處彼者行精進句便能示現究

竟法誼不者遵精進句爲除名色爲示現法
所說經法悉令蠲除他者奉于精進現寂然
法六者志于精進講說經法超度一切諸所
罣礙無本者念精進句爲現如來無本之法
因者精進爲現一切緣法罪福爲盡等者精
進三昧示現諸法分別所趣是爲上勝八精
進句無盡辯才佛告上勝復有八法爲妙法
句覺了諸法爲悉平等何謂八空爲印句而
無所倚而爲現法無相印句無所建立而現
經典無願印句不依不倚不著不求而爲現
法本際印句爲本空句而等御之爲現經典
法界印句等御諸法而爲本現無本印句現

入諸法猶如印句蠲除去來今所本現法滅
盡印句究竟滅盡永除諸法之所本現是爲
上勝八印句也皆悉分別平等諸法而得成
就是故於斯上勝自在之句及所門句精進
句并諸印句常當安庠順行其而精進學如
是族姓子於彼無垢稱王分別所問於此遣
智至彼世界及餘菩薩五千億百千姪菩薩
斯湏之間如發意頃自還佛土雖還本土無
去無來其土人民不見如來爲去爲來於是
族姓子上勝仙士獲無盡辯意不疑妄亦無
所失得爲諸天之所救護降伏衆魔及外異
道行入郡國縣邑州城大邦爲一切人講說

經法分別演斯等集衆德三昧具足千歲宣
現此典開化八万四千群萌之類住於聲聞
發起八万四千衆生志於緣覺八万四千黎
庶皆發無上正真道意勸助八万四千烝民
後悉當爲轉輪聖王八万四千建立帝釋梵
天慈悲喜護無央數人得生天上上勝仙士
至于末後仙沒之時生於無垢稱王如來至
真正覺之士在於普等無垢世界與方四千
天子俱佛言族姓子欲知余時上勝仙士爲
異人乎勿造斯觀所以者何則吾是也吾以
至誠建立正願即致下方所在世界無垢稱
王如來至真正覺以是之故族姓子當作是

觀於樂法菩薩如來未曾取於滅度正法之
教亦無滅盡其好樂法為菩薩者他方世界
諸佛世尊則現目前樂法菩薩若在巖處若
在樹下獨閑居者若中間坐即時得現授摠
持門置于手掌若現滅上若在頭上若在頂
上近而不遠樂法菩薩已為曾見過去諸佛
又諸天人發其辯才亦復從受辯才之慧樂
法菩薩於此經典無有窮盡諸佛世尊及諸
天人不奪其願道所建立猶得自在欲得住五
百歲千歲一劫過劫亦得由已樂法菩薩除
老病死興發其心其意所在堅強久固御於
大智辯才之慧樂法菩薩未曾發意犯於他

人以是之故離垢威聞斯博聞所積行者遵
奉精進便當逮獲於此名德當復過是復倍
無數若有菩薩欲得獲致福藏得普慶無終
訖祿無窮已菩薩所享功祚無量不可稱限
無能盡極其邊際者離垢威如其大海水尚
可數滴測知限量得其底泥菩薩所興三事
戒聞施惠不可勝限得其邊際三千大千世
界尚可稱量知其銖兩盡其邊際欲盡菩薩
所興三事戒聞施道不可限量是為族姓子
三事行品三事之中博聞為尊為勝為長為
無儔匹譬如須彌山王持戒施惠猶如芥子
在須彌山側當觀博聞則須彌山王也譬如

飛鳥翱翔虛空是影所翳寧幾如乎持戒施
惠猶如斯也譬如虛空弘普無際博聞之德
其若茲矣所以者何族姓子施有二益離貧
匱得大富戒有二益度惡趣生昇天聞有二
益得聖慧除邪疑其布施者不離諸漏所受
之陰其持戒者所受諸陰亦與漏俱其博聞
者無有諸漏亦不受陰以是之故離垢威斯
謂菩薩博聞之應佛說施戒博聞之時三萬
二千群生殖眾德本皆發無上正真道意五
百比丘漏盡意解得法眼淨於是離垢威力
士白佛言菩薩幾法行疾得不起法忍佛言
族姓子菩薩有四行法疾得不起法忍何謂

四一觀身如影而得解脫二入於諸法如呼
聲響曉了其心猶如幻化察一切法皆歸滅
盡是爲四菩薩疾得不起法忍復有四法何
謂四普修弘慈加諸衆生設使學者起於人
想勸使曉解一切諸法令知虛無不造有事
普皆覩見諸佛之法不以肉眼亦非天眼亦
非法眼無所依倚分別曉了心之所入亦無
有心亦不見心亦無緣會是爲四復有四何
謂四一切所有施而不恡棄捐邪見奉清淨
禁寂除塵勞是爲四復有四何謂四遵忍辱
力入于諸法悉知盡索而崇精進好憺怕法
是爲四復有四何謂四逮得禪定則無所倚

察於智慧亦不輕虧攝權方便不著衆生皆具所行入無等倫是爲四復有四何謂四常行大慈導利衆生具足大悲不厭終始行于大喜欣樂於法行于大護除諸倚著是爲四復有四何謂四證明部分於三脫門除諸三世過去來今超度三界觀一切法本淨無穢佛言離垢威是爲四法行菩薩大士疾得不起法忍佛說此時離垢威菩薩逮得不起法忍歡喜踊躍昇處虛空去地四丈九尺三千大千世界六返震動其大光明普照世界而雨天華百千伎樂不鼓自鳴於時世尊知離垢威菩薩所念尋時欣笑五色光從口出照

於十方無數佛國還遶三帀從頂上入賢者
阿難即從座起更整衣服偏袒右肩右膝著
地叉手白佛以偈讚曰

德尊淨智慧

其目清明好

諸根為寂定

憺怕度無極

光明照七尺

金容神巍巍

何故現欣笑

惟願為分別

知諸天人行

心意所歸趣

三世之清淨

觀之所像類

其慧常通達

未曾有罣礙

何故現欣笑

月姿哀為說

過世天中天

將來之世尊

今現十方佛

智慧暢無量

修行悉清白

療愈若干病

一切靡不了

願為分別說

其身普周徧

於此諸佛國

言音悉暢達

無數之刹土
最勝哀為說
寂然如月遊
所獲致得利
無師子師子
諸法為自然
遊步如虛空
孰為發妙心
應坐樹王下
何故現欣笑
不能躡斯地
是諸佛境界

心向一切人
敷演斯笑意
無喻如幻化
常如雨泡起
解空無有相
了現究竟誼
願佛分別意
志願尊覺慧
最勝今日誰
大雄發遣之
一切之緣覺
其德如大海

常垂弘大慈
所在究練法
自然若如夢
何故現欣笑
超度願脫門
寂默常調定
今笑何感療
誰今力降魔
而為超擁護
諸聲聞之眾
莫敢逮此道
何感而欣笑

世勝哀說之

佛告阿難。尔爲寧見離垢威踊在虛空去地
四丈九尺乎。對曰。已見。天中天佛言。離垢威
力士菩薩。過三百不可計會劫。當逮得無上
正真。爲最正覺。号力嚴淨王。如來至真等正
覺。明行成爲善逝。世間解。無上士。道法御天
人師。爲佛衆祐。在于東方世界。名清淨劫。名
淨歎。力嚴淨王。如來清淨世界。富樂熾盛。人
民安隱。百穀平賤。快樂難及。諸天人播殖無數。
彼國人民。被服飲食。居止舍宅。譬如第四兜
率天上。其佛說法。無有奇特異種之說。惟但
宣暢菩薩。篋藏其佛國土。無有聲聞緣覺之

名皆純菩薩逮得法忍諸菩薩衆甚多無極
其佛壽命無有限量其土無有八悖之難降
伏衆魔抑制怨敵無有群邪諸外異道其佛
世界地紺琉璃紫磨黃金分錯其間於是離
垢威菩薩從虛空下稽首佛足歸命世尊從
佛請求欲得出家尔時鉤鎖菩薩前白佛言
惟天中天怪未曾有如今大聖講說經典其
有諸天在於虛空名德高妙皆詣如來適見
如來尋時歡喜棄捐貢高自大之念稽首世
尊投身自歸大聖乃能開化於此離垢威力
士憍高自大來詣佛所逮得大法當爲無量
不可思議衆生之類演說經法令除慢恣唯

然世尊其離垢威菩薩大士爲從幾佛如來
至真等正覺殖衆德本乃能疾逮如是神通
世尊告曰鉤鎖欲知其離垢威力士菩薩已
曾得供養六十二億諸佛大聖殖衆德本建
立無上正真之道當復奉事無數諸佛淨修
梵行鉤鎖又問唯然世尊以何所殖元德之
本而忘道意心懷憍慢自大之性來詣世尊
欲有所試佛告鉤鎖有四事法爲菩薩行而
忘道意何謂四心懷憍慢不恭敬法輕易善
師從後謗議是爲四復有四法何謂四而復
習樂聲聞之衆與同所歸志樂下度誹謗菩
薩忘法師恩是爲四復有四何謂四其行諛

諂於法謾誕二事自活求於利養而著奉侍
是爲四復有四何謂四不覺魔事爲罪所蓋
纏綿弊法志性怯弱鉤鎖是爲四法菩薩忘
失道意鉤鎖又聽離垢威用何等故爲菩薩
行而忘道意往古世時此賢劫中初始有佛
号曰拘婁秦如來至真等正覺興出于世於
彼世時有善財大勢貴姓極富梵志時有一
子魔所惑立自發貢高不欲往詣於如來所
長益法與沙門梵志諸長者俱鬪諍罵詈多
所誹謗不肯受法亦不見法不得法師亦不
恭敬承順其教當尔現世違失五法何謂五
則離於佛不復相見不得聞法不復建立菩

薩之業不復咨問所當行者而復忘失衆德之本無堅固意在於道心攝取不善尋時則離於道行心介時尋離此五法行佛言鉤鎖欲知是時所名善財大勢貴姓梵志子乎豈是異人勿作斯觀所以者何則今離垢威菩薩是也於彼世時心懷自大尋則忘失所修道意又復將護宿命德本諸通慧心又有餘福不復誹謗於諸通慧故爲力士而有大力承佛聖言不爲衆惡聞佛音聲便自發來自以己力欲比如來又聞世尊說菩薩力尋即棄捐貢高慢恣往古所殖衆善之本則現目前便逮法忍威神通慧無所想念介時力士

鉤鎖菩薩謂離垢威惟族姓子興發何法逮
得法忍離垢威荅曰發起一切凡夫之法又
問云何而發荅曰所發起者至後究竟永無
所有亦非不異其所發起常不復今有所依
倚亦無所證鉤鎖又問族姓子凡夫之法及
與佛法有何差別寧有若干乎即復荅曰假
号而名因有若干其義無異又問惟族姓子
其凡夫法以何解義荅曰無常亦無想念無
顛倒義又問族姓子所謂義者何所歸趣荅
曰鉤鎖其達義者亦不蠲除凡夫之法亦不
獲於佛道法又問族姓子何謂法義荅曰無
有二義爲諸法義又問不自其正見者有二

因緣從他聞若思惟厥行猶具又問鉤鎖如
來不說但歸要誼之故誼則成要因此何緣
要得誼乎不取美辭又問鉤鎖荅曰教不但
取正誼終不毀壞為菩薩美辭乎則無有失
自損毀也假使有得美辭誼者彼所逮者亦
無所獲其菩薩者歸於要誼而說法誼以聰
哲故其不逮得不用誼報一切諸法猶得自
在為尊為長為無等倫所可分別限時消滅
究竟滅度本末永寂則為相誼世尊所說以
故鉤鎖其歸命誼則不御法亦無所念亦無
御者不捨不御其無所念則為堅要其堅要
者彼乃謂誼鉤鎖又問惟族姓子豈有方計

其歸要誼彼則歸要一切法乎荅曰有族姓
子又問以何因緣荅曰諸法無本一切悉空
諸法懺怕假使歸要於空誼者要懺怕誼亦
復如斯以是之故族姓子其歸要誼則爲導
歸一切諸法荅曰族姓子佛不言曰了一切
諸法悉歸要耶荅曰如斯以是之故一切諸
法推究本誼根原所歸要者其究竟誼是等
之門則第一誼如云當求所如所也求如是
行者設無有法亦非無法亦無所起亦無所
滅諸賢聖道無有二道亦無所作亦非不作
亦非無造如是則造菩薩之道道無所造亦
不求誼亦儀不錯亂離垢威說是語時五百

比丘八白天子遠離塵垢得法眼淨離垢威
菩薩謂鉤鎖曰族姓子如來所說但歸要誼
不取美辭計此誼者無有二行究竟其誼亦
無所生是故如來說此誼耳但歸要誼不取
美辭其歸要誼并及美辭本淨平等志性自
然無所超越如來故曰但歸要誼不取美辭
復次族姓子如來所以說此言者何以二事
故興於正見何等爲二聽察他音緣省思惟
其不博聞於法律者順以三昧在於終始墮
于貢高類斯之故世尊告曰聽省法律乃爲
博聞多所勸助以聽經法悉以奉行淨於所
療至賢聖道又問云何比丘思惟療行荅曰

以法療行亦無所行是爲思惟要事有療行
族姓子是爲療行之所謂者復次族姓子假
使菩薩療行不發音聲不起吾我有所講說
諸行處者若說去者若說還者一切皆亦無
往亦無所得亦無過去亦無當來亦不現在
修此諸事是謂思惟要者而以療行設見諸
法一切自然悉歸滅盡設受諸法思觀要淨
假令察見一切諸法本淨同像亦觀要淨設
見一切諸法諸法自然從本淨起亦觀要淨
設使觀見一切諸法本末不生究竟無起究
竟無滅亦觀要淨設使觀見一切諸法本淨
滅度亦觀要淨亦不寂然亦無所觀是謂爲

觀是所觀者亦無所觀亦無所見假使無見
無所觀者所見如是亦不見則不名曰有所
見也於是世尊讚離垢威菩薩曰善哉善哉
族姓子有所說者當如仁說其思要淨為菩
薩者法不虛妄其思要淨為菩薩者法無陰
蓋其思要淨為菩薩者無有此法亦無脫門
其思要淨為菩薩者所行法者亦無所除亦
無所行亦無去來是則等觀為正見也見一
切法以平等故亦不不等如有所見又問云
何一切諸法而不等如有所見如無所見又
族姓子此諸法者亦無欣見亦無不見本未
平等亦無所生此之謂也亦無所生亦無所

有不越所見不入寂然此謂平等亦不不有
亦無所有亦非自然非不自然是謂平等是
所言者亦無所說行無所生亦無有見亦無
越度平等寂然斯謂等觀以能入于平等故
也又復重問何故名曰平等入寂然乎荅曰
等於吾我亦等非我一切諸法亦無形像亦
無毀訾是謂平等入于寂然於是鉤鎖菩薩
白佛言唯然世尊至未曾有正入寂然所由
相者本淨滅度菩薩皆知如是諸法若復聞
者乃能信解有所遊居亦不中半而取滅度
佛告鉤鎖何以故菩薩善權方便而以為樂
以權方便修具足行發一切心歸於遊處四

法何等四行大慈無極哀為諸通慧不斷佛
教是為四假使能奉宣備此法則入寂然所
趣之相一切本淨悉為滅度以至寂寞諸法
之行適聞此已則便信樂所可遊居亦不中
半而取滅度是故分別諸法之原彼則寂寞
亦無憺怕亦不墮落所以者何不欲棄捨一
切衆生離垢威菩薩白佛言何所菩薩純淑
如佛所言不墮寂寞滅世尊告曰族姓子假使
菩薩無有諸見亦無想念是為純淑於諸聲
聞一切衆生不修平等離佛法教亦不勸樂
大乘之行疑諸通慧離於無願亦不滅度入
於寂滅則於其中證菩薩心志在聲聞緣覺

而入滅度又族姓子菩薩若能入於寂然相
者皆能分別一切諸法有所興發悉爲一切
順佛法衆遵修大乘爲諸通慧之所興居愍
傷一切群萌之類普見一切與志願俱未曾
斷絕他人所僥以是之故族姓子當作斯觀
計於菩薩而皆純淑遊于寂然離垢威白佛
言未曾有世尊菩薩所行而有差特悉非聲
聞緣覺之地所能及也於是鉤鎖菩薩白佛
言今此溥首童真者在是會中靜然而坐亦
不講說於此三昧世尊尋見文殊師利心之
所念以心請觀溥首童真溥首童真謂鉤鎖
菩薩菩薩所行不以功德遵修佛道不以利

養不以生天不以財業不以名聞嗟歎德稱
宣揚其績不以衣食床卧病瘳醫藥治生之
業不以國王大臣賞賜故鉤鎖又問溥首菩
薩以何等故行菩薩道溥首荅曰爲衆生故
如愍傷之故以法之誼開化群黎志大乘故
除於虛妄諸勤勞患生寂然故已忍勞苦欲
安衆生今得所願無所狐疑無希望故則無
所著亦無所倚亦無所受亦不專處亦不究
竟無有善哉亦不吾我無有斯念亦不退轉
亦不還返設使諸法無所動轉亦不肅震無
有將往無所危害無有歡喜亦不愁感已獨
勇猛無能勝者無能伏者莫能踰者亦不憊

悴無所畏難不恐不懼不卑不暴無有自大
亦無心意常處寂寞常住無念同誼一乘一
教同像常作等行悉欲救度衆生之故溥首
言族姓子菩薩所行如斯比類是故造行鉤
鎖又問溥首何所施造爲菩薩行溥首荅曰
設族姓子其爲菩薩不行於盡亦無所起亦
無不起究竟諸盡盡所當盡不念諸本末無
起亦無所生亦無聰明造行如是爲菩薩行
乃應道行復次鉤鎖菩薩大士不行盡過去
意於當來意無所起行於現在意而無所住
亦無所行心亦不著去來今也遵修如是爲
菩薩行乃應道行復次鉤鎖布施道心衆生

如來則無有二持戒忍辱精進一心智慧道
 及衆生至于如來則無有一假使菩薩常遵
 此六度無極有所行者所行之相不憂終始
 遵修如此為菩薩行乃應道行

等集衆德三昧經卷中

及

棄捐

上音弃下音捐

財賄

每下呼反

瑕

音遐

鎧

作上合

悒

感

反上音邑

怛

反丁達

幽藪

無下音叟

粗

略也

曩昔

反上音

鬻

作上音

鬱

舊音

紆

反勿

怛

反丁達

幽藪

無下音叟

粗

略也

曩昔

反上音

鬻

作上音

鬱

舊音

也

反遠

逼迫

反上音

暴炙

反上音

柔

反上音

奕

反上音

貌

反上音

鬱

反上音

也

反遠

逼迫

反上音

暴炙

反上音

柔

反上音

奕

反上音

貌

反上音

鬱

反上音

黠

反上音

民 反上之陵
 兩 音殊二
 計 反一
 反 一
 兩 十四
 四
 朝 古得
 翔 衣襟也反
 曰 上吾高反
 朝 飛而不下
 動 音祥
 曰 翔
 飛
 緘 上
 享 許兩反
 也 當也
 獻
 沛 音
 滴 音
 銖 音



